

## Beispiele für die Kanzonenstrophe

### Walther von der Vogelweide

#### *Ir vil minneclîchen ougenblicke*

Ir vil minneclîchen ougenblicke	}	1. Stollen	}	Aufgesang
rüerent mich alhie, swan ich sie sihe, in mîn herze. ôwe sold ich si dicke sehen, der ich mich für eigen gihe!		2. Stollen		
Eigentlîchen dien ich ir: daz sol si vil wol gelouben mir.	}	Abgesang		

### Walther von der Vogelweide


#### (L. 45,37)

Sô die bluomen ûz dem grase dringent, same si lachen gegen der spilden sunnen, in einem meien an dem morgen fruo,	}	1. Stollen	}	Aufgesang
und diu kleinen vogellîn wol singent in ir besten wîse die si kunnen, waz wünne mac sich dâ gelîchen zuo?		2. Stollen		
ez ist wol halb ein hîmelrîche. suln wir sprechen waz sich deme gelîche, sô sage ich waz mir dicke baz in mînen ougen hât getân, und taete ouch noch, gesaehē ich daz.	}	Abgesang		

## Hartmann von Aue

### Manger grüezet mich alsô

Manger grüezet mich alsô  
(der gruoz tuot mich ze mâze frô),  
»Hartmann, gên wir schouwen  
ritterliche frouwen. «  
mac er mich mit gemache lân  
und île er zuo den frowen gân!  
bî frouwen triuwe ich niht vervân,  
wan daz ich müede vor in stân.





Ze frowen habe ich einen sin:  
als sî mir sint als bin ich in;  
wand ich mac baz vertriben  
die zît mit armen wîben.  
swar ich kum dâ ist ir vil,  
dâ vinde ich die diu mich dâ wil;  
diu ist ouch mînes herzen spil:  
waz touc mir ein ze hôhez zil?

In mîner tôrheit mir geschach  
daz ich zuo zeiner frowen sprach  
»frow, ich hân mîne sinne  
gewant an iuwer minne.«  
dô wart ich twerhes an gesehen.  
des wil ich, des sî iu bejehen,  
mir wîp in solher mâze spehen  
diu mir des niht enlânt geschehen.

# Heinrich von Morungen

## Sach ieman die vrouwen

Sach ieman die vrouwen, die man mac schouwen in dem venster stân? diu vil wolgetâne diu tuot mich âne sorgen, die ich hân. Si liuhtet sam der sunne tuot gegen dem liechten morgen. ê was si verborgen. dô muost ich sorgen. die wil ich nu lân.		1. Stollen 2. Stollen Abgesang		Aufsang
--	---	--------------------------------------	---	---------

Ist aber ieman hinne,  
der sîne sinne  
her behalten habe?  
der gê nach der schônen,  
diu mit ir krônen  
gie von hinnen abe;  
Daz si mir ze trôste kome,  
ê daz ich verscheide.  
diu liebe und diu leide  
diu wellen mich beide  
vürdern hin ze grabe.

Wan sol schrîben kleine  
reht ûf dem steine,  
der mîn grap bevât,  
wie liep sî mir waere  
und ich ir unmaere;  
swer danne über mich gât,  
Daz der lese dise nôt  
und ir gewinne künde,  
der vil grôzen sünde,  
die sî an ir vrûnde  
her begangen hât.